

დასასრულს მოუახლოვდა სსრ კავშირის 49-ე ჩემპიონატი თეხბურთში. 21 ნოემბერს, ბოლოსწინა ტურში, მინსკის დინამოელებმა თავიანთ მინდორზე ანგარიშით 7:2 დაამარცხეს ვილნიუსის „ჟალგირისი“.

თბილისის დინამოელებმა, როგორც ვიტყობინებოდი, დნეპროპეტროვსკში მოუგეს ადგილობრივ „დნეპრს“ – 3:2 (1:1).

ანგარიში მე-6 წუთზე გახსნა კეტაშვილმა, რომელმაც ზუსტი დარტყმით დაამთავრა ცაავას მიერ წამოწყებული კომბინაცია. იგი სულ რამდენიმე მეტრის დაცილებით აღმოჩნდა მასპინძელთა კართან და კარგად გამოიყენა თავისი შანსი.

დნეპროპეტროვსკელები ამის შემდეგ ბევრს უტევენ. დინამოელთა მეკარემ გაბელიამ რამდენიმე ძნელი ბურთი მოიგერია, მაგრამ 41-ე წუთზე „დნეპრის“ თვდამსხმელმა პროტასოვმა მაინც მიაღწია სანადელს და გაათანაბრა ანგარიში - 1:1.

მიმდინარეობდა თამაშის 67-ე წუთი, როცა მასპინძელთა მეკარე გოროდოვთან პირისპირ გასული მახარაძე უხეშად წააქციეს. მსაჯმა 11-მეტრიანი დანიშნა და ჩელებსაცემ ზუსტად დაარტყა მიზანში - 2:1. ათიოდე წუთის შემდეგ დნეპროპეტროვსკელებმა ხელმეორედ აღადგინეს თანაფარდობა ჩერედნიკის უძლიერესი დარტყმის შემდეგ, მაგრამ 78-ე წუთზე გურულის ზუსტი გადაცემა კარგად გამოიყენა ცაავამ, კვლავ დაანინაურა „დინამო“ და ეს ანგარიში - 3:2 თბილისელთა სასარგებლოდ ბოლომდე შემორჩა ელექტროტაბლოს.

მეტოქეთა შემადგენლობანი:

„დნეპრი“ - გოროდოვი, ჩერედნიკი, ვიშნევსკი, პუჩკოვი, სოროკალეტი, ლიუტი, შოხი, ლიტოვცენკო, ბაგმუტი (კუდრიცკი), პროტასოვი, ტარანი;

„დინამო“ - გაბელია, კეტაშვილი, მიქაბერიძე, ჭედია, მახარაძე, კაკილაშვილი, სვანაძე, ჟორდანიანი (გურული), ცაავა (ჩეკუნოვი), ჩელებსაძე, ჯოხაძე.

მსაჯი ა. ხორლინი (მოსკოვი).

დუბლიორთა შეხვედრა დამთავრდა „დნეპრის“ გამარჯვებით 5:2.

ამრიგად, 1986 წლის სსრ კავშირის სათეხბურთო ჩემპიონატის შედეგების მიხედვით, თბილისის „დინამომ“ პირველ ხუთეულში გაინაღდა ადგილი. გაისად იგი მონაწილეობას მიიღებს უეფა-ს ტურნირზე.

23.11.1986